



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
OPĆINSKI NAČELNIK

P R A V I L N I K O DOPUNAMA
PRAVILNIKA
O KRITERIJIMA I RASPODJELI NOVČANIH SREDSTAVA ZA DODJELU
JEDNOKRATNE NOVČANE POMOĆI

Juni, 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09), člana 25. Statuta Općine Centar Sarajevo –prečišćeni tekst («Službene novine Kantona Sarajevo», broj 23/04) ,člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17,28/18 , 52/21,40/22 i 13/25) a u vezi sa tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), Općinski načelnik donosi

**PRAVILNIK O DOPUNAMA
PRAVILNIKA
O KRITERIJIMA I RASPODJELI NOVČANIH SREDSTAVA ZA DODJELU
JEDNOKRATNE NOVČANE POMOĆI**

Član 1.

U Pravilniku o kriterijima i raspodjeli novčanih sredstava za dodjelu jednokratne novčane pomoći („Službene novine Kantona Sarajevo“ broj 16/24 i 43/24) član 11. dopunjava se tačkom b) koja glasi:

„ b) Pravo na mjesečnu novčanu pomoć u iznosu od 200,00 KM za mlade koji napuštaju sistem alternativne brige u trajanju od najduže 12 mjeseci računajući od mjeseca napuštanja alternativne brige, pod uvjetom da se nalaze na redovnom školovanju ili na evidenciji nezaposlenih lica. Spisak mladih koji napuštaju sistem alternativne brige utvrditi će se prema dostavljenim podacima iz službene evidencije Službe socijalne zaštite općine centar Sarajevo. Isplata novčane pomoći vršiti će se putem Službe za finansije na tekuće račune korisnika sredstava.“

Dosadašnja tačka b) postaje tačka c).

Član 2.

Član 13. dopunjava se stavom (3) koji glasi:

„(3) Podnosilac zahtjeva može istaći prigovor na akt kojim je riješen zahtjev u roku od 8 dana od dana prijema. O prigovorima će rješavati Komisija za rješavanje prigovora po javnim pozivima koju će posebnim rješenjem imenovati Općinski načelnik, a koja će u roku od 30 dana od dana ulaganja prigovora odlučiti o istom.“

Član 3.

Ovaj Pravilnik o dopunama Pravilnika o kriterijima i raspodjeli novčanih sredstava za dodjelu jednokratne novčane pomoći stupa na snagu narednog dana od dana objavljivanja na oglasnoj ploči Općine Centar Sarajevo, a isti će biti objavljen i u Službenim novinama Kantona Sarajevo.

OPĆINSKI NAČELNIK

Broj: 09/B-11-3659/25
Sarajevo: . . 2025. godine.

Srđan Mandić

Napomena:

Pravilnik je objavljen na oglasnoj ploči Općine Centar Sarajevo dana_____2025.godine

O B R A Z L O Ž E N J E

PRAVNI OSNOV

Pravni osnov za donošenje Pravilnika o dopunama pravilnika o kriterijima i raspodjeli novčanih sredstava za dodjelu jednokratne novčane pomoći licima u stanju socijalne potrebe, sadržan je:

- u članu 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06 i 51/09), kojim je uređeno da općinski načelnik donosi akte iz svoje nadležnosti;
- u članu 69. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04) kojim je propisano da općinski načelnik donosi, između ostalog, pravilnike;
- u odredbi člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17 , 28/18 ,52/21 i 40/22) kojim je propisano da se iz općinskog budžeta finansiraju druga prava iz socijalne zaštite, koja svojim propisom utvrđuju općine.

RAZLOZI DONOŠENJA

U okviru mjera socijalne zaštite posebno ranjivih kategorija društva (djece u alternativnoj brizi i žena žrtava porodičnog nasilja), ukazala se potreba da lokalna zajednica zaštiti i mlade koji izlaze iz alternativne brige i nalaze se u nezavidnoj situaciji u smislu da nemaju podršku od strane porodice a da izlaze iz starosne dobi do koje država preuzima brigu o njima. Mladi koji napuštaju sistem alternativne brige prolaze kroz vrlo izazovnu fazu osamostaljivanja u kojoj im je neophodna dodatna podrška. Općina Centar Sarajevo je prepoznala ovaj ključni momenat u procesu osamostaljivanja mladih koji izlaze iz sistema alternativne brige i u okviru mjera socijalne zaštite ove lokalne zajednice obuhvatila i ovu kategoriju na način da se mladima, pod uslovom da su nastavili redovno školovanje ili se nalaze na evidenciji nezaposlenih lica, u periodu od godine dana od dana napuštanja sistema alternativne brige obezbijedi podrška kroz novčanu pomoć. Nadalje je bilo potrebno formirati Komisiju za prigovore za podnosiocima zahtjeva koji nisu zadovoljni odlukom nadležne službe za poslove socijalne zaštite odnosno Općinskog načelnika.

O B R A Z L O Ž E N J E

Član 1. – dopuna člana 11. Pravilnika o kriterijima i raspodjeli novčanih sredstava za dodjelu jednokratne novčane pomoći kojom se definiše način ostvarivanja prava na novčanu pomoć za mlade koji izlaze iz sistema alternativne brige;

Član 2.- dopuna člana 13. definiše formiranje Komisije za rješavanje po prigovorima;

Član 3. - vrijeme stupanje na snagu Pravilnika o izmjeni pravilnika o kriterijima i raspodjeli novčanih sredstava za dodjelu jednokratne novčane.

FINANSIJSKA SREDSTVA

Finansijska sredstva za ovu namjenu obezbijeđena su u Budžetu Općine Centar Sarajevo.